



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 235. Quænam notanda sint circa ejusmodi casus ab Episcopis reservatos.

urn:nbn:de:hbz:466:1-42433

riculum, licet aliàs habeat potestatem absol-
vendi à reservatis, absolvere possit à peccato
quolibet mortali externo contra castitatem,
complicem in eodem secum peccato, nec ad
hoc sit approbatus; nec absolvere possit ab hæ-
resi; neque à casu lascivorum conventiculo-
rum juventutis utriusque sexûs, sine expressa ad
hoc ab Ordinario obtenta licentia.

Q. 234. *An Regulares subjaceant casibus ab* 1645.
Episcopo reservatis. R. Regulares non exempti
subjacent; exempti non subjacent, quia quoad
hoc non subsunt jurisdictioni Episcopi. Si ta-
men Regulares exempti, v. g. Moniales habeant
Confessarium non exemptum. huic sublata
erit jurisdicção & potestas absolvendi à tali ca-
su, adeoque casus commissus à Moniali exem-
pta censebitur reservatus respectu talis Con-
fessarii; nisi tales exemptæ haberent privile-
gium, ut per quemcumque approbatum pos-
sint ab omnibus casibus absolvi, *Sylvius p. 1. v.*
Casus reservatus casu 2. Novitiorum peccata eti-
am manent reservata respectu Confessarii ab
Episcopo approbandi, *Aversa q. 17. f. 1.*

Q. 235. *Quenam notanda sint circa ejusmodi* 1646.
casus ab Episcopis servatos. R. seqq. §. 1. Per apo-
stasiam intelligitur defectio à vera fide ad hære-
sin. Per *relapsum in hæresin* intelligitur relapsus
post hæresin publicè ejuratam, *Azor. T. 1. l. 8.*
c. 14. Per *homicidium* videtur etiam intelli-
gè actio occisiva, v. g. vulnus lethale vel porre-
ctum venenum, propter quod sequitur mors.
Per *sodomiam* *Tambur. in decal. l. 7. c. 7. §. 6.* in-
telligit illam solam, quam committit agens se-
minando in vase præpostero masculi, cum
enim reservatio sit materia odiosa, secundùm
di-

dicenda n. 1684. restringi debet, adeoque intelligenda est sodomia perfecta propriè dicta. Alii intelligunt quamcumque sodomiam perfectam, sive sit patientis sive agentis: *Chapeav.* p. 2. c. 15. intelligit omnem sodomiam propriè dictam; uti & *Arsdek.* T. 2. p. 2. tr. 2. c. 3. §. 3. dicens etiam intelligi bestialitatem & congressum cum dæmone. Per *sacrilegium*, secundùm *Gob.* t. 7. n. 364. intelligitur violatio loci sacri effuso sanguine aut semine vel furto patrato. Aliqui putant etiam intelligi violationem personæ sacræ, sed communiùs negant alii. Quando nam polluatür ecclesia sanguinis vel seminis effusione, dictum est hic n. 255. & à n. 282. Quando nam violetur libertas & immunitas Ecclesiastica, colligitur ex dictis l. 4. à n. 1382. 1389. Per *incendium procuratum* intelligit *Arsd.* etiam procuratum à mandante, effectu secutor, ille enim propriè dicitur incendiarius: an etiam qui consilio vel auxilio remotè concurrunt, dubitat. Per *stuprum* intelligitur defloratio virginis sub cura Parentum constitutæ, per vim facta; aut etiam secundùm *Chapeav.* c. 11. facta precibus importunis, falsis promissis vel dolo. Per *raptum* intelligitur abductio invitæ virginis cum intentione peccati, aut etiam Matrimonii, sive quis per se abducatur sive per alium, inquit *Arsd.* Per *incestum*, non intelligitur cum affini- bus, nisi exprimatür, sed cum solis consanguineis, si adfuerit copula perfecta cum seminatione in vase naturali, *Arsdek.* Per *Sanctimoniale* intelligitur quælibet Religiosa in Ordine approbato professa. Per *injectionem manuum violentam* in Parentes intelligunt *Chapeav.* & *Arsd.* etiam trusiones pedum, projectiones lapidum vel

vel aliarum rerum, verberationes medio instrumento, v. g. gladio, fuste: & nomine Parentum putat *Chapeav.* venire etiam avum & aviam, imò & novercam & vitricum, quamvis in hoc dissentiat *Arsd.*, nisi exprimatur: attamen non intelligitur pater & mater uxoris: putatque *Arsdek.* non requiri læsionem gravem sed satis esse si sit mortaliter peccaminosa. Per *fortilegia* intelligit *Laym.* exercitium magiæ: *Tann.* divinationem: *Arsd.* si quis per sortes aliquid futurum vel occultum exploret. Per *manifestum perjurium* putat *Gob.* intelligi perjurium, quod fit in iudicio, vel falsum testimonium in eo datum. Si reservetur peccatum ex cōsuetudine v. g. blasphemia non est reservatum, si fiat in ebrietate vel inadvertenter ex consuetudine etiam mortaliter culpabili: nec si semel aut bis fiat post ultimam cōfessionem advertenter ex consuetudine retractata: si tamen fiat v. g. quinques ab ultima confessione, *Homob. & Aversa* q. 17. s. 2. putant incurri reservationem: Quando plures proferuntur uno imperu, computantur pro una, *Diana* p. 10. r. 14. R. 69. Blasphemia, ut sit publica, debet esse prolata saltem coram sex, qui non sint de familia, *Vidal. Diana* R. 68. Plura videri possunt apud *Chapeav.* totâ p. 2.

§. 2. Quando reservatio fertur simpliciter in facientes crimen, communiter eam non contrahunt mandantes, consulentes, faventes, auxilium ferentes, nisi id exprimatur, *Nav. Viva* De Jubil q. 11. a. 1. *Chapeav.* p. 1. c. 6. q. 4. Postea tamen p. 2. c. 3. q. 2. n. 9. dicit illum, qui mandat, consulit aut fert auxilium homicidæ, etiam incurere reservationem, quia statutum, quo maleficio punitur, secundum *Bartolum* ligat
 Tom. VI. Ooo etiam

etiam mandantes, sed hoc negari potest, qui
absolutè verum manet, quòd, si jura non ex
primant, per facientes non intelligantur man
dantes &c. *Dicist.* De censur. d. 2. n. 126. Adde
ex *Navarro Chapeav.* p. 1. c. 6. q. 7. si feratur etiam
in dantes consilium, auxilium, favorem, debet
intelligi de iis, qui efficaciter hoc faciunt, hoc
est ita, ut sine illo concursu consilii, auxilii, fa
voris, crimen commissum non fuisset. Si ta
men æquè primò & principaliter feratur in
dantes consilium, auxilium, favorem, hi incur
runt, etiam si effectus non sit secutus, quia pro
hibitio sub reservatione tum tendit in mali
tiam consilii, auxilii vel favoris.

1648. §. 3. Si dicatur ferri contra eos, qui præsu
munt aliquid facere, non cadit in illos, qui ex
metu vel alio affectu, præter superbiam & con
temptum, faciunt: Si autem addatur in eos, qui
scientes hoc vel illud, non incurrunt illi, qui fe
cerunt tale quid ignorantes, *Chapeav.*

1649. Q. 236. Quando nam peccatum internum dicitur
prodire in actum externum. R. §. 1. Ut hoc fiat
secundùm dicta n. 1613. debet ante omnia sup
poni peccatum quod dicitur reservari, ibi in
ternè adesse. Ut autem dicatur prodire in actum
externum, non sufficit quomodocumque ma
nifestari externè, sed requiritur, ut illa manife
statio censeatur in ratione peccati externi esse
mortalis, *Sanch.* in Decal. l. 2. c. 8. *Dicist.* d. 11. a
n. 74. *Lugo* d. 20. n. 15. unde si quis ex gravi o
dio interno leviter percutiat Clericum, non
incurrit reservationem: Item si volens melius
edoceri dicat se hætenus non credidisse Deum
esse Trinum, aut se ex ignorantia hætenus esse
in hoc hæreticum & fortissis fore etiam pro
futuro,